

Deireadh ag teacht le Cóisirí Nollag?

Ceist 1 Beidh tú ag féachaint ar thuirisc ar ball ar a laghad cóisirí a bheidh ar siúl an Nollaig seo ar fud na tíre.

Cé mhéad den eolas ar éirigh leat a thuiscint bunaithe ar na pictiúir?

Ceist 2 Seo stór focal a bhí le cloisteáil sa tuairisc. Ag obair leis an duine in aice leat ceangail na focail ar chlé leis na focail ar dheis

- | | |
|-----------------------|-------------------------|
| 1. Survey | (a)fostóir |
| 2. Party | (b)róchúng |
| 3. Businesses | (c)airgead |
| 4. Economic recession | (d)teach tábhairne |
| 5. Employer | (e)cóisir |
| 6. Money | (f)suirbhé |
| 7. Budget | (g)lagtrá eacnamaíochta |
| 8. Too tight | (h)buiséad |
| 9. Public house | (i)gnólachtaí |
| 10. cancelled | (j)ar ceal |

Ceist 3 Anois féach ar an tuairisc don dara huair agus abair an fíor nó bréagach atá na ráitis seo a leanas:

1. Léiríonn an suirbhé náisiúnta go mbeidh cóisir Nollag ag suas le 80% de ghnólachtaí? **Fíor/bréagach**
2. Is comhlacht cuntasaióchta é *Peninsula Ireland*? **Fíor/bréagach**
3. Tá fostóirí na Gaillimhe níos flaithiúla? **Fíor/bréagach**
4. Tá teach tábhairne amháin i gCathair na Gaillimhe ag eagrú cóisir do sheandaoine? **Fíor/bréagach**
5. Beidh airgead á mbailiú acu i gcomhair Cope. **Fíor/bréagach**
6. Tá cáil ar chathair na Gaillimhe mar chathair spórtúil shóisialta **Fíor/bréagach**

Ceist 4 Luaitear *spórtúil* agus *sóisialta* chun cur síos a dhéanamh ar Chathair na Gaillimhe.
Roghnaigh cúig cinn d'aidiachtaí chun cur síos a dhéanamh ar d'áit dúchais féin.
Déan iad a phlé leis an duine in aice leat nó le do ghrúpa .

Ceist 5 'go raibh *a mbuiséad* róchúng'

(a) Cén ghné den ghramadach atá i gceist leis na focail atá i gcló lodálach thuas?

(b) Bain triail as na samplaí seo

1. Chonaic mé a (cóta) air
2. Bhí a (uncail) léi
3. Tá ár (oidhreacht) á gcosaint againn
4. Tá gaol agamsa le do (múinteoir)
5. Tá do (geansaí) millte agat
6. Tá bhur (caipíní) nite agaibh

Ceist 6 Pléigh na ceisteanna seo leis an duine in aice leat nó le do ghrúpa:

Cén bronntanas Nollag ab fhearr a fuair tú riamh?

An gceapann tusa go bhfuil an iomarca béime ar rudaí a dhíol gus a cheannach aimsir na Nollag seachas breith Chríost?

Treoracha agus Freagraí

Ceist 1

Is féidir an plé seo a dhéanamh i mbeirteanna nó i ngrúpaí.

Ceist 2

1=f
2=e
3=i
4=g
5=a
6=c
7=h
8=b
9=d
10=j

Ceist 3

Bréagach
Bréagach
Fíor
Bréagach
Fíor
Fíor

Ceist 4 (duairc, leadránach, álainn, glan, truailithe, glórach srl.)
.

Ceist 5

An Aidiacht Shealbhach, 3ú pearsa iolra

1. A chóta
2. A huncail
3. Ár n-oidhreacht
4. Do mháthair
5. Do gheansaí
6. Bhur gcaipíní

Ceist 6

Is féidir an plé seo a dhéanamh i mbeirteanna nó i ngrúpaí.

Eimear Ní Chonaola

Léiríonn an suirbhé náisiúnta nach mbeidh cóisir Nollag ag suas le 80% de ghnólachtaí i mbliana de bharr an lagtrá eacnamaíochta, ach tá a mhalairt scéil i gCathair agus i gContae na Gaillimhe mar a fuair Maire Treasa Ní Cheallaigh amach.

Máire Treasa Ní Cheallaigh

Ta tionchar fágtha ag an lagtrá eacnamaíochta ar chóisirí is cosúil, de réir suirbhé náisiúnta a rinne comhlacht comhairleoireachta, Peninsula Ireland le déanaí agus inár ceistíodh* os cionn dhá mhíle fostóir, deir ann is 80% de chomhlachtaí a cuireadh ceist orthu nach mbeidh cóisirí á reachtáil acu an Nollaig seo in iarracht airgead a shábháil.

Is léir go bhfuil fostóirí na Gaillimhe níos flaithiúla ná fostóirí eile ar fud na tíre. De réir suirbhé a rinne An Nuacht inniu tá os cionn 80% de na fostóirí ar labhair muide leo ag pleanáil chun cóisir Nollag a reachtáil. Deir siad go raibh sé tuillte ag a gcuid fostaithe agus go gcuireann sé le cairdeas** i measc a gcuid oibríthe. Deir na comhlachtaí nach mbeidh cóisir acu go raibh a mbuiséad róchúng nó go rabhadar tar éis scaoileadh le roinnt oibríthe agus nach mbeadh sé ceart cóisir a reachtáil. Ta teach tábhairne amháin i gCathair na Gaillimhe ag eagrú cóisir do dhaoine nach mbeidh aon chóisir acu i mbliana.

Feargal Ó Murchú-The Kingshead

Níl aon fháth d'aon ghnó i nGaillimh an chóisir Nollag a chur ar ceal, beidh Santa anseo, beidh féasta mór, beidh deochanna, beidh bia agus rudaí mar sin. Freisin ar an oíche beidh muid ag bailiú airgid i gcomhar "Cope" agus tar éis gach rud, ceapaimse go mbeidh Gaillimh in ann an *session* a chur ar ais i "*Recession*".

Is cosúil mar sin nach ligfidh Gaillimh don lagtrá eacnamaíochta stop a chur le cáil na Cathrach mar Chathair spórtúil shóisialta. Máire Treasa Ní Cheallaigh, Nuacht TG4, i nGaillimh.

*ceistníodh a deirtear

**cairdeachas a deirtear